

Individuals With Disabilities Education Act (Kakien eo ej kejarok kajojo armij ro ewōr aer utamwe ilo aer bōk jelālokjen, IDEA)

Paat C Mennin Aikuj ko ñan Kejarok Maron (Maron ko an Jinen im Jemen)

Melele

Individuals With Disabilities Education Act (Kakien eo ej kejarok kajojo armij ro ewōr aer utamwe ilo aer bōk jelālokjen, IDEA) ej juon kakien an federal ej kakoba mennin aikuj ko an jibañ ko an niñniñ im ajiri jidik ro remaron tōbrak (dettan Lotak – 36 allon) im ewōr aer utamwe im baamle ko aer. Mennin aikuj kein rekoba iomwin Paat C an IDEA. Emōj kōmelele ilo kakien ko an federal (34 CFR Paat 303) im kakien im mennin aikuj ko an State eo an Washington.

Ilo Washington, kein jermal eo an Paat C etannin burokraam eo an Early Support for Infants and Toddlers (jibañ ko an niñniñ im ajiri jidik, ESIT). Emōj kar kōmmane kein jermal in ñan kōmmane bwe baamle ko ren bōk kwōnaer kin joñan eo elabtata im loloorjak ke kōmelim eo an jinen ak jemen ilo kajojo buñtenko an madmōdin jibañ eo an ajiri jidik, jino jen lemaanlok eo jinointata im woñmaanlok ilo aer lelok jibañ eo im ien oktak.

Burokraam eo an ESIT ekoba laajrakin kejarok ko rej kejarok maron ko an jinen im jemen im ajiri ro. Aikuj etal melele ñan jinen im jemen ko ikijen mennin aikuj ko ñan kejarok maron ko an ajiri im baamle ko aer einwōt emōj kōmelele iomwin kakien ko an federal ilo 34 CFR 303.400-438, ekoba ekelel ko kin jumae ilo CFR 303.430-438, bwe ren maron lukkun bōk kwōnaer im bōk juon jermal in tel kin jibañ ko rej lelok ñan ajiri eo nejeir im baamle eo. Peba in kin maron ko an jinen im jemen ej molin peba eo kin mennin aikuj ko ñan kejarok maron ko an ajiri im baamle ko einwōt kōmelele iomwin kakien ko an federal Paat C.

Ñan melele ko ilo peba in, “Jinen ak jemen” ej melelein molin jinen ak jemen juon ajiri, jinen ak jemen ilo kōkkajiriri, rikejarok eo an iomwin kakien, jinen ak jemen ilo foster, ak bar juon armij eo ej binej jenkwān molin jinen ak jemen ak jinen ak jemen ilo kōkkajiriri im ajiri eo ej jokwe ibben.

Family Resources Coordinators (Rikōlaajrak Mennin Jibañ ko an Baamle, FRC), rej jermal ibben baamle ko, remaron lelok kein jermal ko relablok ñan jibañ baamle ko melele kin mennin aikuj ko ñan kejarok maron ko aer iomwin Paat C. Remaron bar lelok wāween ko kwe im ro jet uwaan baamle eo emaron kobalok ibben rijerbal ro ewōr aer kapeel in jibañ tōbare aikuj ko ikijen an ajiri eo nejum bōk kapeel.

Melele kin Mennin Aikuj ko ñan Kejarok Maron (Maron ko an Jinen im Jemen)

Iloan Burokraam eo an Washington Early Support for Infants and Toddlers (Jibañ ko ñan niñniñ im ajiri jidik), kwe, einwōt jinen ak jemen ajiri eo ewōr am maron ko laajrak:

- Maron eo ñan juon etale im joñjoñ kin lelok eloñ katak kin bōd innem an kōmman juon Individualized Family Service Plan (bebe in jibañ emōj kōjenelok an baamle, IFSP) ilo ien kwelok in IFSP eo kein kajuon, iloan 45 raan iloan juon kōlantā jen ien lemaanlok eo. “Eloñ katak kin bōd” melelein an wōr ruo ak lablok kain katak ko ak jejetin katak ko einwōt juon rikaki im juon rijerbal ej physical therapist.

“Jibañ ko an ajiri jidik rekkar” emōj loe jen juon madmōdin IFSP. IFSP aikuj koba juon kamool kin jejetin jibañ ko an ajiri jidik aikuj ñan kōtōbrak aikuj ko rej make wōt an ajiri eo im baamle eo ñan tōbare jemlok ko emōj kalikar ilo IFSP eo. Kakien eo an Federal ilo Paat C Federal Part C regulations www.govinfo.gov/content/pkg/FR-2011-09-28/pdf/2011-22783.pdf ej kōmelele ke jibañ ko an ajiri jidik im “emōj kōmmani ñan kōtōbrak aikuj ko ikijen kapeel an kajojo ajiri eo emaron tōbrak iomwin Paat C im aikuj ko an baamle eo ikijen kōlablok kapeel eo an ajiri eo.”

- Maron eo ñan bōke etale, joñjoñ, kōmman in IFSP, kōlaajrak jibañ, im mennin jibañ ko ñan kejarok maron ilo an ejellok wonnen ñan baamle ko.
- Maron eo ñan bōke juon etale, elañe kwōnaj kajitōk im lelok juon kōmelim kake, ilo jabdewōt ien madmōdin etale eo (elañe rej kōjerbale).
- Elañe emaron tōbrak iomwin Paat C, maron eo ñan bōk **jibañ ko rekkar an ajiri jidik** ñan ajiri eo im baamle eo einwōt emōj kwalok ilo IFSP eo.
- Maron eo ñan makoko in bōke kakōlkōl, etale, joñjoñ, im jibañ ko.



Individuals with Disabilities Education Act (Kakien eo ej kejbarok kajojo armij ro ewör aer utamwe ilo aer bök jelälökjen, IDEA) – Paat C Mennin Aikuj ko ñan Kejbarok Maron (Maron ko an Jinen ak Jemen)

- Maron eo ñan aer kūr er ñan im aer bök kwōnaer ilo aoleb kwelok ko im emōj katmane aer lelok jemlok eo aer ikijen juon bebe ñan janiji aer kalikar woñ ae, etale, ak jikin eo renaj likūt ajiri eo, ak kin mennin aikuj eo ñan jibañ ko rekkar ñan ajiri jidik ñan ajiri eo nejum ak baamle eo.
- Maron eo ñan ebök kõjella ilo jeje ilo ien eo ejejjet mokta jen bebe in oktak eo ak makoko in kalikar woñ ae, etale, ak jikin eo renaj likūt ajiri eo, ak kin mennin aikuj eo ñan jibañ ko rekkar ñan ajiri jidik ñan ajiri eo nejum ak baamle eo.
- Maron eo ñan bōke kajojo jibañ an ajiri jidik ilo mejatoto ko ewör an ajiri eo iminene im ekkar ñan aikuj ko ikijen kapeel an ajiri eo nejum.
- Maron eo ñan kejbarok an jab ajeeded **melele ko rej kalikar woñ armij eo**.
- Maron eo ñan bōke kape eo kein kajuon kin melele in jibañ ko an ajiri jidik an ajiri eo nejum ilo an ejellok wonnen.
- Maron eo ñan juon kape in etale, joñjoñ, IFSP im ej aikuj lewaj ilo ien eo emōkajata ñan kwe alikin kajojoo kwelok in IFSP.
- Maron eo ñan lale im etale im, elañe ekkar, kõmman kajimwe ñan melele ko ajiri eo nejum.
- Maron eo ñan kajitök ien kõmadmōd im/ak juon ien roñjak ejellok kalijeklok ñan lale abnōnō eo an jinen ak jemen/ rijerbal eo ej lelok jibañ.
- Maron eo ñan baele juon kõmadmōdin abnōnō.

Koba ibben maron ko emōj kalikar ijin loñ, ewör am maron in bök kõjella kin jejetin mennin aikuj ikijen kejbarok maron iomwin Paat C. Emōj kõmelele kin maron kein ijin lal.

***Melele ko rej Kalikar Armij ekoba:** 1) etan ajiri eo nejum, etam, ak etan armij ro jet uwaan baamle eo; 2) atorej eo an ajiri eo ak baamle eo; 3) juon kein kalikar armij einwōt nomba in social security eo an ajiri eo nejum; 4) melele ko jet rej kalikar armij, einwōt raan in lotak eo an ajiri eo nejum, jikin eo ear lotak, im etan baamle eo an jinen; 5) juon laajrak kin melele ko remaron kalikar ajiri eo nejum ilo an jab lukkun alikar; ak 6) melele ko emōj an juon armij jen burokraam eo ej jibañ ajiri jidik kajitök im ejelā kajeen ajiri eo nejum.*

Kōjella ilo Jeje Moktalok

Kōjella ilo jeje maanlok aikuj iwōj ñan kwe ilo ien eo emmon mokta jen juon rijerbal eo ej lelok jibañ ñan ajiri jidik enaj bebe ak makoko in kõmmane ak janiji melele eo ej kalikar, etale, ak jikin eo emōj likūt ajiri eo nejum, ak mennin aikuj eo ekkar ñan jibañ ko ekkar an ajiri jidik ñan ajiri eo nejum im baamle eo. Kōjella eo aikuj bwe tibdikin melele ko ñan lewaj kõjella ñan kwe kin:

- Madmōd eo rijerbal in koontoreak ak rijerbal eo ej lelok jibañ ko ñan ajiri jidik rej bebe ak makoko in kõmmane.
- Wūnin aer bōke madmōd eo.
- Aoleb mennin aikuj ko ñan kejbarok maron rebed iomwin Paat C.
- Jibañ eo an state, abnōnō eo an state, im laajrakin ien roñjak ko, ekoba kõmelele kin wāween bael abnōnō im laajrakin ien ko ñan madmōd kein.

Kōjella ilo jeje ilo kajin eo aoleb armij remaron melele im lelok ilo kajin eo am make, ijellokun ñe elukkun jab maron tōbrak.

Elañe kajin eo am make, ak wāween eo juon ñan am bök melele ejab ilo jeje, rijerbal eo ej lelok jibañ ñan ajiri eo edik aikuj bök buñten ko ñan loloorjak ke:

- Kōjella eo an enaj ukok ilo kenon ak ilo wāween eo juon ilo kajin eo am make ak wāween lewaj melele eo juon;
- Kwōmelele kõjela eo; im
- Ewör kamool ilo jeje ke mennin aikuj ko emōj kõmelele ilo laajrak kein emōj aer tōbrak.

Kōmelim jen Jinen ak Jemen

Kōmelim ej melelein:

- Emōj lewaj aoleb melele ikijen makūtkūt eo im rej bukōt kõmelim eo kake, ilo kajin eo am make;
- Kwōmelele im errā ilo jeje ñan kõmmane makūtkūt eo im rej bukōt kõmelim eo am kake, im kõmelim eo ej kõmelele makūtkūt im kõlaajrak melele ko kin jibañ ko an ajiri jidik (elañe ewör) ke renaj lelok im ñan woñ;
- Kwōmelele ke am bebe in lelok kõmelim im kwōmaron jolok jabdewōt ien.

Ñe kwōnaj jolok kõmelim eo am, ebañ jino jen raan ko maanlok, (ejab ekkar ñan juon kõmadmōd eo ear walok mokta jen an jolok kõmelim eo).

Rej aikuj bök kõmelim eo am ilo jeje mokta jen:

- Lelok juon etale ikijen kapeel ñan lale elañe rej lomnak ewör an ajiri eo nejum utamwe.
- Kōmman aoleb etale im joñjoñ eo an ajiri eo nejum.
- Lelok jibañ ko an ajiri jidik ñan ajiri eo nejum.
- Kōjerbal jibañ ak injuran ko an kien ak injuran ko armij rej make wia ñan kolla wonnen jerbale in jibañ kein.
- Kwalok melele ko rej kalikar kwe im ajiri eo nejum.

Kajin eo An Juon, ilo ien rej kōjerbal ñan armij ro edik kapeel in jelā Kajin Belle, melelein ke ejab ekkā am kōjerbal kajin eo. Ilo ien kõmman etale im joñjoñ ko an ajiri eo nejum, kajin eo an kein kajuon melelein kajin eo ekkā an ajiri eo nejum kōjerbale. Ilo ien rej kōjerbal ñan juon armij eo ejaroñroñ ak ebin an roñjak, pilo ak jorrāan mejan, ak armij eo ejellok jeje ilo kajin eo an, kajin eo an ej melele wāween eo ekkā an armij eo leto letak melele (einwōt kajin kakōlle, Braille, ak leto letak melele ilo kenono).

Individuals with Disabilities Education Act (Kakien eo ej kejbarok kajojo armij ro ewōr aer utamwe ilo aer bōk jelālōkjen, IDEA) – Paat C Mennin Aikuj ko ñan Kejbarok Maron (Maron ko an Jinen ak Jemen)

Rej aikuj bar bōke kōmelim eo am ilo jeje mokta jen aer lewaj jibañ ko an ajiri jidik.

Ñe kwōjab lelok kōmelim, ejellok madmōd eo renaj bōke ñan kōlelñon (kamakoko) kwe. Im meelein, Family Resources Coorindator (Rikōlaajrak Mennin Jibañ ko an Baamle, FRC), ak rijerbal eo ej lelok jibañ ñan ajiri jidik emaron jab kōjerbal ien roñjak ko ñan jumae am makoko in lelok kōmelim.

Family Resources Coorindator (Rikōlaajrak Mennin Jibañ ko an Baamle, FRC), ak rijerbal eo ej lelok jibañ ñan ajiri jidik ak rijerbal eo ekkar emōj kile aikuj kōmmāne joñan ko ekkar ñan loloorjak am:

- Lukkun meelele kin wūnin an ejellok kakōlkōl, etale, im joñjoñ ak jibañ ko.
- Meelele ke ajiri eo nejum ejab maron bōk kakōlkōl, etale, joñjoñ, ak jibañ ko ijellokun ñe emōj lelok kōmelim.

Einwōt jinen ak jemen juon ajiri eo emaron tōbrak iomwin Paat C, kwōmaron lale elañe ajiri eo nejum ak ro jet uwaan baamle eo renaj bōk ak jab bōk jabdewōt jermal in jibañ eo/ko an ajiri jidik iomwin burokraam in. Kwōmaron bar makoko in bōke juon jermal in jibañ (ijellokun ne jermal in kōmadmōd ko emōj aikuj iomwin kakien ko ñan Rikōlaajrak mennin Jibañ ko an Baamle) alikin kar ien eo jinointata kwar bōke ilo an jab kakkure jibañ ko jet an ajiri jidik iomwin burokraam eo an ESIT.

Melele ko

Jab Ajeeded

Ekkar ñan laajrak ko ñan an jab ajeeded meelele im emōj kalikar ilo peba in, rej aikuj lewaj ien ñan am lale im etale jabdewōt meelele ko ikijen kakōlkōl, etale, im joñjoñ ko, lale maron tōbrak ko, kōmmān im kōjejet kūtien IFSP ko, mennin aikuj eo ñan jibañ ko an ajiri jidik, abnōnō ko an kajojo armij ikijen ajiri eo nejum, im jabdewōt mōttan burokraam eo an Paat C im ekoba meelele ko kin ajiri eo nejum im baamle eo am.

Rijerbal eo ej lelok jibañ ñan ajiri jidik aikuj lewaj ien ñan am lale im etale (ilo awa in jermal ko) jabdewōt meelele ko ikijen ajiri eo nejum ak baamle eo emōj aer bōke, kejbarok, ak kōjerbal jen ibben rijerbal eo ej koontoreak ak rijerbal eo ej lelok jibañ iomwin Paat C jen ien eo emōj lemaanlok etan ajiri eo nejum ñan jibañ ko an ajiri jidik mae ien eo tokleik opij eo ej bōk kwōnaan ejako an aikuj kejbarok ak ejako an kejbarok meelele eo iomwin kakien ko an Federal im state rekkar. Rijerbal eo ej lelok jibañ ñan ajiri jidik aikuj loor kajitōk eo ilo an ejellok rumij im mokta jen jabdewōt kwelok ikijen IFSP eo ak roñjak eo ikijen kalikar armij, etale, jikin eo likūt, ak mennin aikuj ko ñan jibañ ko an ajiri eo nejum im baamle, im elañe ejellok wūnin, lablok jen 10 raan in kōlantā alikin an kōmmān kajitōk eo.

Ien lale im etale meelele ko an jibañ ko an ajiri jidik ekoba:

- Maron ñan uwaake juon rijerbal ej lelok jibañ ñan ajiri jidik ñan kajitōk ko emmon joñaer kin kōmelele im ukok in meelele eo.
- Maron in kajitōk an rijerbal eo ej lelok jibañ lelok meelele ko ewōr meelele, elañe enaj likjab in lelok kabe ko enaj kōmmān am jab maron kōjerbal ien eo ñan lale im etale meelele ko.
- Maron eo bwe juon eo ej jutak ikijem en maron lale im etale meelele eo.

Rijerbal eo ej lelok jibañ emaron lommak ke ewōr am maron in lale im etale meelele ko ikijen ajiri eo nejum ijellokun ñe rikoontoreak ak rijerbal eo emōj lelok peba ñane ke ejellok am maron iomwin kakien ko an state ekkar im rej ikijen eddo in ajiri, kejbarok eo an foster, rikejbarok iomwin kakien, jebel, im ewōr beba in jebel.

Rijerbal eo ej lelok jibañ ñan ajiri jidik aikuj kejbarok juon meelele ilo jeje kin an pade ro ruo maron bōke meelele ko emōj aen, bōki, ak kōjerbali iomwin Paat C (ijellokun ñe jinen ak jemen im rijeral ro ewōr aer melim renaj bōke im rikoontoreak ak rijerbal eo), ekoba etan pade eo, raan eo rar lelok, im wunin an pade eo kar wōr aer kōmelim in kōjerbal meelele eo an ajiri eo.

Ñe jabdewōt meelele ko an jibañ ajiri jidik ekoba meelele kin elablok jen juon ajiri, kwōmaron lale im etale wōt meelele eo ikijen ajiri eo nejum, ak kwe, ak bōk jejetin meelele eo.

Kajojo rijerbal eo ej lelok jibañ aikuj lewaj ñan kwe, ilo ien kajitōk, juon laajrakin kain im jikin meelele kin jibañ ko an ajiri jidik emōj bōke, kejbarok, ak kōjerbal jen ibben rikoontoreak ak rijerbal eo. Rijerbal eo ej lelok jibañ ñan ajiri jidik emaron lelok wonnen kabe in meelele ko rej lewaj iomwin Paat C elañe wonnen eo ejab kōmmān am jab kōjerbal ien eo am ñan lale im etale meelele kein. Bōtab, remaron lewaj wonnen eo ñan bukōt ak bōk meelele eo iomwin Paat C. Im bareinwōt, rej aikuj bar lewaj ilo an ejellok wonnen ñan kwe kabe in kajojo etale, joñjoñ an ajiri eo, im IFSP eo ilo ien eo emōkajitata alikin kajojo kwelok in IFSP.

Individuals with Disabilities Education Act (Kakien eo ej kejbarok kajojo armij ro ewör aer utamwe ilo aer bök jelälökjen, IDEA) – Paat C Mennin Aikuj ko ñan Kejbarok Maron (Maron ko an Jinen ak Jemen)

Elañe kwōj lomank ke melele ko ilo jibañ ko an ajiri jidik emōj bök, kejbarok, ak kōjberbal iomwin Paat C eböd ak ejab jimwe, ak ej kakkure wāween kejbarok melele ak maron ko jet am ak an ajiri eo nejum, kwōmaron kajitök an rijerbal eo ej kejbaroke melele eo kajimwe.

- Rikoontoreak ak rijerbal eo aikuj lale elañe ej kajimwe melele eo ekkar ñan kajitök eo iloan juon ien emmon alikin an böke kajitök eo.
- Rikoontoreak ak rijerbal eo aikuj lale elañe ej kajimwe melele eo ekkar ñan kajitök am, kwōj aikuj bök melele kin an jab töbrak im röjañ kin maron eo am ñan juon ien roñjak.

Kōmeleleko laajrak emōj kōjberbal ilo jikin in: (1) “Kakkure”melelein kakkure ak jolok melele ko rej kalikar armij jen melele eo ñan loloorjak ke ejab kalikar armij eo ; (2) “Melele ko an jibañ ko ñan ajiri jidik”, “Melele eo/ko ikijen jelälökjen 6j ak “melele eo/ko” melelein aoleb melele ikijen ajiri eo rej aikuj ñan aer böke, kejbaroke, ak kōjberbale iomwin Paat C; im (3) “Opij eo ej bök kwōnaan” melelein jabdewöt armij, opij, jikin ak jikuul ej bök, kejbarok ak kōjberbal melele ko rej kalikar armij ñan kōjejjet kütien mennin aikuj ko ilo Paat C. Juon opij eo ej bök kwōnaan ekoba opij in tel eo an state, rijerbal eo ej lelok jibañ ñan ajiri jidik im ej lelok jibañ ko ilo Paat C (ekoba kōlaajrak jibañ, etale ko im joñjoñ ko im jibañ ko jet an Paat C). Ejab koba jikin lemaanlok ko mokta ak opij ko an kein ak ejab an kien im rej kolla wonnen jibañ ko an ajiri jidik.

Rijerbal eo ej lelok jibañ ñan ajiri jidik aikuj, ilo an kajitök, lelok ien ñan juon ien roñjak ñan jumae melele ko ilo rekoot ko an jibañ ajiri jidik ñan loloorjak ke ejab böd, ejab mool, ak ej rupruip mennin aikuj eo ñan kejbarok melele ak maron ko jet am im an ajiri eo nejum. Kwōmaron kajitök juon ien roñjak iomwin laajrak ko an Paat C ak laajrak ko an ien roñjak im rej loor Kakien eo ej Kejbarok Maron im Wāween Madmōde im Kejbarok Melele in Jelälökjen ko an Baamle (FERPA) ilo 34 CFR 99.22.

- Elañe, kin jemlok eo an ien roñjak eo, rikoontoreak ak rijerbal eo enaj lomnak ke melele eo ejimwe jimwe, eböd, ak ej rupe kakien ko kin wāween kejbarok im kōmadmōd melele ak maron ko jet am im an ajiri eo nejum, ej aikuj kajimwe melele eo einwöt an aikuj im rej aikuj lewaj melele ilo jeje kin mennin.
- Elañe, kin jemlok eo an ien roñjak eo, rikoontoreak ak rijerbal eo enaj lomnak ke melele eo ejimwe jimwe, eböd, ak ej rupe kakien ko kin wāween kejbarok im kōmadmōd melele ak maron ko jet am im an ajiri eo nejum, rej aikuj lewaj melele kin maron eo am ñan liküt melele ko an ajiri eo nejum, ak kamool ilo jeje kin melele eo, im kwalok jabdewöt wūnin aer jab errā kin jemlok eo an rikoontoreak ak rijerbal eo.
- Jabdewöt kōmelele emōj liküt ilo melele ko an ajiri eo nejum iomwin laajrak kein aikuj kejbarok jen ibben rijerbal eo ej lelok jibañ ñan ajiri jidik einwöt möttan melele ko an ajiri eo nejum toon wöt an melele ak möttan eo rej jumae (im ej möttan rekoot eo im kwōjab erra kake) enaj kejbarok jen ibben rikoontoreak ak rijerbal eo.

- Elañe rekoot ko an ajiri eo nejum ak möttan ko emōj jumae renaj kwalok jen rikoontoreak ak rijerbal eo ñan bar juon pade, kōmelele eo am aikuj bar walok ñan pade eo.

Kōmelim Mokta jen Kwalok Melele

Rej aikuj bök kōmelim eo an jinen ak jemen mokta jen melele ko rej kalikar armij enaj:

- Kwalok ñan ajbdewöt armij im rejab rijerbal ro an koontoreak eo ak rijerbal eo ej aen, kejbarok, ak kōjberbal melele eo iomwon Paat C, ijellokun ñe emōj kōmelim an kōmmane iomwin Paat C (34 CFR 303.414) im FERPA (34 CFR 99.31); ak
- Kōjberbal ñan jabdewöt wūn im ejab töbrak mennin aikuj eo iomwin Paat C.

Melele in jibañ ko an ajiri jidik j jen rijerbal eo ej lelok jibañ ñan ajiri jidik eo nejum ebañ lelok ñan bar juon rijerbal ej jibañ ajiri jidik ak opij ko jet ilo an ejellok kōmelim jen kwe ijellokun ñe emōj kōmelim an rikoontoreak ak rijerbal eo bwe en kōmmane mennin iomwin FERPA. Ñe kwōnaj makoko in lelok kōmelim, rijerbal eo ej lelok jibañ ñan ajiri jidik ej kōjejjet kütien laajrak ko ikijen makoko eo, einwöt kōmelele ñan kwe kin am jab lelok kōmelim enaj jelöte an ajiri eo nejum maron böke jibañ ko an ajiri jidik, toon wöt an laajrak ko jab kakkure maron eo am ñan makoko in lelok kōmelim.

Iomwin Paat C, ESIT ej aikuj ñan kwalok etan ajiri eo nejum im raan in lotak eo an, im melele ko ñan aer töbar kwe (ekoba etam, atorej, im nomba in talebon) ilo an ejellok kōmelim jen kwe ñan opij in jelälökjen eo an state (Office of Superintendent of Pubic Instruction – Ritel eo an jikuul in kien) im opij in jelälökjen eo an jukjukinbed (bukon in jikuul ilo jukjukinbed) im ajiri eo nejum ej jokwe ie. Melele in aikuj ñan kalikar aoleben ajiri ro remaron töbrak ñan jibañ ko iomwin Paat B ilo IDEA.

Individuals with Disabilities Education Act (Kakien eo ej kejbarok kajojo armij ro ewōr aer utamwe ilo aer bōk jelālōkjen, IDEA) – Paat C Mennin Aikuj ko ñan Kejbarok Maron (Maron ko an Jinen ak Jemen)

Laajrakin mennin aikuj ko ñan kejbarok maron rej aikuj jejjet kütier ñan loloorjak an jab ajeeded rekoot ko:

- Rijerbal eo ej lelok jibañ ñan ajiri jidik aikuj kejbarok an jab ajeeded melele ko rej kalikar armij ilo ien aer aen, kejbarok, kakwōni, kwalok, im kakkure melele kein.
- Juon rijerbal emōj kile an lelok jibañ ñan ajiri jidik ej an eddo in loloorjak an melele ko jab ajeeded im kwalok jabdewōt melele rej kalikar armij.
- Aoleb armij ro rej aen ak kōjerbal melele ko rej kalikar armij rej aikuj bōk katak in kaminene ak katak ko ikijen kakien im mennin aikuj ko an Washington ilo Paat Cim rej loor IDEA im FERPA.
- Rijerbal eo ej lelok jibañ ñan ajiri jidik aikuj kejbarok, ñan an kien etale, laajrakin etan aoleb rijerbal im jermal ko aer ilo ien in ilo opij eo im remaron loe melele ko rej kalikar armij.
- Rijerbal eo ej lelok jibañ ñan ajiri jidik aikuj kōjellaik jinen im jemen ilo ien melele ko rej kalikar armij rej aen, kejbarok, ak kōjerbal ejako aer aikuj ñan lelok jibañ ñan ajiri eo nejum ak baamle eo iomwin Paat C, mennin aikuj ko an GEPA ilo 20 USC 1232f, im EDGAR, 34 CFR paat ko 76 im 80.
- Ilo ien eo ejako aer aikuj melele eo ñan lelok jibañ eo ej mennin aikuj ñan ajiri ak baamle eo, rej aikuj kakkure im jolok melele eo ilo ien an jinen im jemen kajitōk.

Rekoot ko an ajiri eo nejum rej bed ñan indeo ej etan ajiri eo, raan in lotak, melele in kebaak jinen im jemen (rkoba atorej im nomba in talebonn), etan rikōlaajak jibañ eo/ro, FRC eo/ko, rijerbal eo/ro rar lelok jibañ ñan ajiri jidik, im melele in diwōj jen burokraam eo (ekoba yiō im joñan yiō eo an ilo ien eo ear diwōj, im jabdewōt burokraam ko ear deloñ ie ilo ien an diwōjO remaron kejbarok ilo an ejellok joñan ien.

Jumae Jemlok ko an Mennin Aikuj

Ñe ewōr am abnōnō kin burokraam in jibañ eo an ajiri jidik, jouj im kwalok ibben kumi in FRC ak IFSP ilo ien eo emōkajata. Burokraam eo an ESIT ej rōjañ bukōt jemlok in men ko rejab errā kaki ilo joñan eo ediktata ñe remaron. Bōtab, elañe rejab maron bukōt jemlok eo ilo wāween eo ejellok karōkin, ewōr ekeelel ko ñan jumae.

Ñe kwōjab errā ibben rijerbal eo ej lewaj jibañ kin melele ko rej kalikar armij, etale, jikin eo renaj likūt ajiri eo nejum, ak mennin aikuj eo ekkā ñan jibañ ko an ajiri jidik an ajiri eo nejum ak baamle eo, kwōmaron kajitōk aer kōjejjet ien in lale jemlok ko kin abnōnō ko am.

Laajrak kein ej jilu kōmadmōd ko ewōr karōkier ñan am jumae jemlok. Mennin ekoba ien bebe, juon ien roñjak, im juon kōmadmōd abnōnō.

Ien Bebe

Ien bebe ej lewaj ien ñan am bukōt jemlokin juon men eo kwōjab errā kake ilo juon wāween eo ejab kōmman poktak.

Ej an juon armij make bebe im pade ro ruo ej aikuj anemkwōj aer errā.

Opij eo an state ej tel emaron kōmmane mennin aikuj ko ñan lelok ñan jinen im jemen im rijerbal ro rej lelok jibañ ñan ajiri jidik im renaj kelet in jab kōjerbal madmōdin bebe eo ñan juon ien aer kwelok, ilo awa im jikin eo emmon ñan kwe, ibben juon pade eo ejellok an kwōnaan (Ribebe eo ebañ kalijeklok), im ej bed iomwin koontoreak eo an jikin eo ej bukōt jemlokin abnōnō, ak katak kaminene an jinen ak jemen im jikin melele ak jikin jibañ jinen im jemen an jukjukinbed ilo State eo, ñan kōmelele kin jibañ ko, im rōjañ aer kōjerbal madmōdin bebe eo.

Ien bebe eo aikuj dedelok ilo ien eo emmon alikin an opij eo ej tel an state loe kajitōk eo ñan juon ien bebe im emaron jab jermal ñan jab katōbrak ak karumij maron ko am ñan juon ien roñjak ejellok kalijeklok ak jab kōtōbrak jabdewōt maron ko jet iomwin Paat C.

Renaj kōmōkaj aer karōke ien bebe eo im kōmmane ilo jikin eo emmon ñan pade ro ruo. Juon armij eo enaj lale ien bebe eo emōj kile im eban kalijeklok, im emōj an bōk katak in kaminene kin kapeel ko ilo an jejjet lale ien bebe eo, im enaj kwelok ibben pade ro jimor ñan jibañ bukōt juon jemlok ñan abnōnō eo ilo juon mejatoto eo ejellok karōkin im ejab poktak.

Opij eo ej tel an state enaj kejbarok laajrakin etan armij ro rej kōmman ien Bebe eo emōj kile er im reban kalijeklok im rejelā kin kakien im laajrak ko ikjen mennin aikuj eo an jibañ ko an niñniñ im ajirin jidik ro ewōr aer utamwe im baamle ko aer. Ro rej kōmmane ien bebe eo remaron jabdetak aer kelete er, rej janiji er, ak bar juon wūn eo juon ejellok kalijeklok. Opij eo ej tel an state an eddo in bōk wonnen ien bebe eo ekoba wonnen jabdewōt kwelok ko ñan rōjañ ien bebe eo.

Elañe renaj loe jemlokin jumae eo kin juon ien bebe, pade ro rej aikuj kadedelok juon bujen iomwin kakien ej kōmelele jemlok eo im ej kalikar aoleben melele ko ar kenono kaki im rar walok ilo ien madmōdin bebe eo aikuj jab ajeeded im eamron wōt jermal einwōt kein kamool ilo jabdewōt ien roñjak eo mōttan ak madmōdin lale jimwe ko an armij. Bujen eo aikuj jain jen ibbam im armij eo ej jutak ikijen opij eo ej tel an state im an eddo in opij eo. Bujen eo ilo jeje im emōj jain ej juon men eo jabdewōt jikin ekajet an state ak mōttan eo ej bōk eddon kakien ak ilo juon jikin ekajet an bukonn ilo Amedka emaron kabine.

Ien bebe eo ajb kamo am jab kajitōk juon ien roñjak ilo jabdewōt ien. Kwōmaron kaju baele juon kajitōk ñan ien bebe im juon ien roñjak einwōt emōj kōmelele ilo pej eo juon.

Madmōdin Ien Roñjak ko Ejellok Kalijeklok

Juon madmōdin roñjak ejellok kalijeklok ej juon madmōd eo ewōr karōkin ej kōmman jen ibben juon Opija an Ien Roñjak im ej juon men eo baamle ko remaron kelet ñan bael juon abnōnō ikijen ajiri eo nejeir.

Juon madmōdin roñjak ejellok kalijeklok aikuj dedelok, im juon jemlok aikuj kōmman ilo jeje, ilon 30 raan ilo juon kōlantā jen ien eo rar loe kajitōk eo. (Ien bebe, elañe renaj kajeoñ, aikuj kōmman ilon ejjā 30 raan ko ilon juon kōlanta.)

Opija ro an Ien Roñjak rej jitoñe er ñan kōmmane kōmadmōdin ien roñjak ko. Opija ro an Ien Roñjak ej aikuj wōr aer melele kin mennin aikuj ko ilo Paat C im aikuj ko im jibañ ko ewōr ñan ajiri ro remaron tōbrak im baamle ko aer im kōmmane jermal kein laajrak:

Individuals with Disabilities Education Act (Kakien eo ej kejbarok kajojo armij ro ewōr aer utamwe ilo aer bōk jelālōkjen, IDEA) – Paat C Mennin Aikuj ko ñan Kejbarok Maron (Maron ko an Jinen ak Jemen)

- Roñjake aer kwalok melele ko ikijen abnōnō eo, etale aoleb melele ko rekkar ñan abnōnō eo im bukōt aer tōbare jemlok in abnōnō eo ilo juon ien emōkaj.
- Lelok melele in ien kōmadmōd ko kin wonnen eo an state, ekoba jemlok eo ilo jeje.

Kin Ro rej Kōmman Ien Bebe im Opija ko an Ien Roñjak: Ro rej kōmman ien bebe im Opija in Ien Roñjak ko rej aikuj “jab kalijeklok.” Ejellok kalijeklok ej melelein armij eo emōj jitoñe an kōmmane ien bebe eo ak Opija in Ien Roñjak: (1) Ejab juon rijerbal in opij eo an state ej tel, rijerbal eo ej lelok jibañ ñan ajiri jidik im ewōr kwōnaan ilo an lelok jibañ ko an ajiri jidik, jermal ko, ak lale ajiri eo; im (2) Ejellok kwōnaan ak ejab jermal ibben ajiri ak baamle eo im enaj wōr kalijeklok ilo an lomnak kin an jejjēt kūtien madmōd eo. Jabdewōt armij eo emaron tōbrak an juon eo ej Bebe ak Opija eo an Ien Roñjak ejab juon rijerbal an opij eo an state ej tel, rijerbal eo ej lelok jibañ ñan ajiri jidik kinke ej kolla jen opij ak burokraam eo ñan kōjejjēt kūtien mennin aikuj ko ilo madmōdin ien roñjak eo.

Iomwin Paat C, renaj lewaj maron ko emōj laajrak ijin lal ilo jabdewōt madmōdin ien roñjak ejellok kalijeklok im enaj kōmman iomwin madmōd kein.

- Aikuj etal im bōk rōjañ jen juon konnjel (kwōj kollaiki) im jabdewōt kajojo armij ro ewōr aer melele ak katak in kaminene kin jibañ ko an ajiri jidik ñan ajiri ro remaron tōbrak iomwin Paat C (kwōj kollaiki).
- Ñan kwalok kamool im kajitōkin, ekajete, im kwalok buruon rikamool ro.
- Kamo an walok jabdewōt kein kamool ilo ien roñjak eo ejañin walok ñan kwe jab diklok jen lalem raan in kōlantā mokta jen madmōd eo.
- Ñan bōke juon peba in jeje ak ilo kein jermal kapeel kin jejjēt in naan ko (jejjēt in aoleb naan) ñan kwalok ilo ien roñjak eo ilo an ejellok wonnen ñan kwe.
- Ñan bōke jeje in melele ko emōj loi im jemlok ko ilo an ejellok wonnen ñan kwe.

Madmōdin ien roñjak eo ejellok kalijeklok emōj kōmelele ilo madmōd kein aikuj kōmman ilo juon ien im jikin eo emmon ñan kwe. Jab rumij jen 30 raan ilo juon kōlantā alikin an opij eo an state ej tel bōke abnōnō eo am, madmōdin ien roñjak eo ejellok kalijeklok aikuj dedelok im juon jemlok ilo jeje aikuj mael ñan kajojo pade ro. Opija eo an Ien Roñjak emaron lelok jejjēt in kōmelim ko alikin 30 raan ilo an juon ian pade ro kajitōk. Jabdewōt pade eo ejab buñ buruen kin melele ko emōj loi im jemlok eo kin madmōdin ien roñjak eo ejellok kalijeklok ewōr an maron in bōktōk kōmadmōd in lale maron ko an armij ilo jikin ilo jikin ekajet eo an state ak federal.

Ilo ien kattar eo (joñan ien) jabdewōt madmōd ekoba juon abnōnō in madmōd, ijellokun rijerbal eo ej jibañ ajiri jidik im kwe naj errā, ajiri eo nejum im baamle eo renaj woñmaanlok in bōk jibañ ko rekkar ñan ajiri jidik ilo jikin eo emōj kalikar ilo IFSP eo, im kwar lelok kōmelim kake.

Ñe abnōnō eo ekoba ablikajon ñan jibañ ko kein kajuon iomwin Paat C, ajiri eo nejum im baamle eo aikuj lelok jibañ ko rejab jumae kaki.

Abnōnō ko kin Kōmadmōd

Kobalok ñan ien bebe im mennin aikuj ko an kōmadmōdin ien roñjak emōj laajrak ijin loñ, juon armij ak doulul ekoba ro jen bar juon state remaron baele juon abnōnō emōj jain ilo jeje ñan jabdewōt opij an kien ak jikin eo ejab an kien ej lewaj jibañ, ekoba jabdewōt rijerbal eo ej lewaj jibañ ñan ajiri jidik im ej kakkure mennin aikuj eo ilo Paat C in burokraam eo. Opij eo an state ej tel elab an kwalok mennin aikuj ko an state ikijen abnōnō ñan jinen im jemen im armij ro jet ewōr kwōnaer, ekoba jikin ko rej lelok katak kaminene im melele ñan jinen im jemen, opij ko rej lelok kejbarok im rōjañ, im jikin ko jet rekkar.

Abnōnō eo aikuj koba:

- Juon kamool jen opij eo ej tel, opij eo an kien, ak rijerbal eo ej lelok jibañ ñan ajiri jidik emōj nae ruen kin an kakkure mennin aikuj eo ilo Paat C.
- Melele ko rejimwe kin kamool ta eo ekkar.
- Jain in etan im melele in kebaak ñan armij eo ej kanne abnōnō eo.
- Elañe nae ruon ko kin ruprup kakien ñan jejjēt in juon ajiri:
 - Etan ajiri eo im atorej in mweo ajiri eo ej jokwe ie.
 - Etan jikin eo ej koontoreak in lelok jibañ ñan ajiri jidik ak rijerbal eo ej lelok jibañ ñan ajiri jidik.
 - Kōmelele kin jorrāan eo an ajiri eo ekoba melele ko rejimwe ikijen jorrāan eo.
 - Jemlok in bebe in jorrāan eo ñan joñan aer jelā im ewōr ilo ien an bael abnōnō eo.

Abnōnō ko kin kōmadmōd rej aikuj bael im opij eo an state ej tel aikuj loe iloan juon (1) yiō in nae ruon kin an ruprup kakien. Armij eo ak opij eo ej baele abnōnō eo aikuj lemaanlok juon kabe in abnōnō eo ñan rijerbal eo ej lelok jibañ ñan ajiri jidik ilo ejjā ien eo ej baele abnōnō eo ibben opij eo an state ej tel.

Ilo ien opij eo an state ej tel enaj loe abnōnō eo, ewōr an 60 raan iloan juon kōlantā in:

- Kōmmane juon etale eo ejenolok ilo jikin eo, elañe opij eo an state ej tel enaj loe ke aikuj juon etale.
- Lelok ñan armij eo im doulul eo ej baele abnōnō eo ien ñan lelok melele ko relablok, emaron ilo kenono ak ilo jeje, kin men ko rej bae ruon ilo abnōnō.
- Lelok ñan opij ko/rijerbal ko rej lelok jibañ ien ñan aer uwaake abnōnō eo, ekoba ien eo opij eo ej tel enaj loe ekkar, juon bebe in bukōt jemlok in abnōnō eo im juon ien ñan aoleb pade ro bōk kwōnaer ilo ien bebe eo.
- Etale aoleb melele ko rekkar im kōmmane juon jemlok eo ejenolok elañe ear walok ak jab walok ke rar rupe mennin aikuj eo ilo Paat C.
- Lelok juon jemlok ilo jeje ñan armij eo ej kanne abnōnō eo im ej kwalok kajojo melele ko rej nae ruen ilo abnōnō eo im ewōr melele ko rejimwe emōj loi im jemlok ko im bareinwōt wūnin jemlok eo aliktata an opij eo ej tel.

Jemlok eo aliktata ej kalikar jibañ ko rekkar ear/rar jab lelok, opij eo an state ej tel aikuj lale:

- Likjab in lelok jibañ ko rekkar, ekoba madmōd ko rekkar ñan kajimwe im lale aikuj ko an ajiri eo im ej wūnin abnōnō eo im baamle eo am (einwōt jibañ kin jāan ak jāan eo rej aikuj karool waj); im

Individuals with Disabilities Education Act (Kakien eo ej kejbarok kajojo armij ro ewōr aer utamwe ilo aer bōk jelālokjen, IDEA) – Paat C Mennin Aikuj ko ñan Kejbarok Maron (Maron ko an Jinen ak Jemen)

- Mennin aikuj ko rekkar ilo jeklaj kin jibañ ko ñan aoleb niñniñ im ajiri jidik ro ewōr aer utamwe im baamle ko aer.

Opij eo an state ej tel aikuj koba mennin aikuj ko ñan an jejjet kūtien jemlok eo, elañe aikuj, ekoba makūtkūt in jibañ ko an jermal kapeel, bebe ko, im katak ko kin bōd ñan tōbrak aer loor mennin aikuj ko.

Ñe rejab loe juon abnōnō ilo jeje im ej bar mōttan madmōdin ien roñjak eo, ak ewōr abnōnō ko reloñ, im juon ak lablok mōttan ien roñjak eo, opij eo an state ej tel aikuj kōjenolok jabdewōt mōttan abnōnō eo rej lale ilo madmōdin ien roñjak eo mae ien ejemlok ien roñjak eo. Bōtab, jabdewōt abnōnō ilo jumae eo ejab mōttan madmōd eo aikuj wōr jemlokin iloan 60 raan ilo juon kōlantā im mennin aikuj ko an abnōnō eo emōj kōmelele ilo peba in.

Emōj loe jemlok ko an abnōnō ilo juon madmōdin ien roñjak ekoba ejjā pade ro rejab watōke iomwin madmōdin. Opij eo an state ej tel aikuj kōjellaik armij eo ej kōmman abnōnō ke ke jemlokin ien roñjak eo eban oktak.

Juon abnōnō eo ej nae ruen juon opij in kien ak rijerbal eo ej lelok jibañ jen juon jikin eo ejab an kien (ekoba rikoonotreak ak rijerbal eo ej lelok jibañ ñan ajiri jidik) enaj likjab in kōjejjet kūtien juon madmōdin jemlok aikuj wōr an jemlok jen opij eo an state ej tel.

Ro Rejab Molin Jinen im Jemen Ajiri

Maron ko an ajiri ro remaron tōbrak iomwin Paat C ewōr aer kejbarok elañe:

- Rebañ kalikar woñ jinen ak jemen;
- Rijerbal eo ej lelok jibañ ñan ajiri jidik, alikin an kajeoñ, ejab maron loe jinen ak jemen; ak
- Ajiri eo ej bed iomwin eddo eo an State eo an Washington iomwin kakien ko an State.

Armij eo emōj lelok bwe en kōmadmōd einwōt “riabin jinen ak jemen” ikijen jinen ak jemen ekkar ñan mennin aikuj ko ijin.

Mennin aikuj kein rekoba wāween lale elañe juon ajiri aikuj riabin jinen ak jemen im ej kōmmane joñan eo emaron in jitoñ juon riabin jinen ak jemen ajiri eo jab lablok jen 30 raan iloan juon kōlantā alikin an loe ke ajiri eo ej aikuj juon riabin jinen ak jemen.

Rej kōjerbal wāween ko laajrak ilo ien rej kelet riabin jinen im jemen ajiri. Rijerbal ro rej lelok jibañ ñan ajiri jidik rej kelet riabin jinen im jemen ajiri im rej aikuj kōtōbrak mennin aikuj ko laajrak:

- Ejellok kwōnaan ak ejab bōk kwōnaan ilo an jermal ibben ajiri eo ej jutak ikijen.
- Ewōr an melele im kapeel in loloorjak ke ebwe an maron jutak ikijen ajiri eo.
- Ejab juon rijerbal in jabdewōt opij an state; ak juon rijerbal in jabdewōt rijerbal eo ej lelok jibañ ñan ajiri jidik, jelālokjen, kejbarok, ak jabdewōt bar jibañ ñan ajiri eo ak ñan jabdewōt baamle an ajiri eo. Armij eo emaron tōbrak an riabin jinen ak jemen iomwin mennin aikuj kein ejab wōt juon rijerbal kinke ej kolla jen ibben rijerbal eo ej lelok jibañ ñan ajiri jidik ñan an jermal einwōt riabin jinen ak jemen ajiri eo.

Ilo ien eo juon ajiri eo bed iomwin eddo eo an State eo an Washington ak remōj likūt ilo kejbarok eo an foster, opij eo ej lelok jibañ ñan ajiri jidik aikuj bōk melele ibben opij eo an kien emōj jitoñe an kejbarok ajiri eo.

Ñan ajiri eo ej bed iomwin eddo eo an state, jekdoñ ejab opij eo ej lelok jibañ ñan ajiri jidik eo rar jitoñe, juon jaj eo ej lale keij eo emaron jitoñe juon riabin jinen ak jemen toon wōt an kelet eo kōtōbrak wāween kelet ko ijin loñ.

Riabin jinen ak jemen ewōr ejjā maron ko an jinen im jemen ñan aoleben wāween ko iomwin Paat C.

Melele ko ñan Kebaak

Ñe kwōj aikuj melele ko relablok kin mennin aikuj ko ñan kejbarok maron, kebaak Family Resources Coordinator (Rikōlaajrak Mennin Aikuj ko an Baamle, FRC) ilo:

Ak

Ñe kwōj bebe in baele juon jumae, kajitōk ien bebe im/ak juon madmōdin ien roñjak, jout im kebaak burokraam eo an Early Supports for Infants and Toddlers (Jibañ ko ñan Niñniñ im Ajiri Jidik, ESIT) ilo:

Washington State Department of Children, Youth & Families (Ra eo an State eo an Washington ej bōk eddon Ajiri, Jodikdik, im Baamle)

Early Support for Infants and Toddlers (Jibañ ko ñan Niñniñ im Ajiri Jidik, ESIT)
PO Box 40970
Olympia, Washington 98504-0970
esit@dcyf.wa.gov
www.dcyf.wa.gov/services/child-development-supports/esit

Mennin Jibañ ñan Rōjañ ikijen Jinen im Jemen

Washington PAVE
(Partnerships for Action, Voices for Empowerment – Jerbal ko Ibben Doon ñan Kōmadmōd, Ainikijen ko ñan Kakajur)
6316 S. 12th St.
Tacoma, Washington 98465
Talebon: 1-(800) 5-PARENT
FAX: (253) 566-8052
www.wapave.org